
-Organizacioni odbor savjetovanja-

Broj: 09/25

Sarajevo 24.01.2025. godine

Poštovana/i,

Zadovoljstvo nam je obavijestiti Vas da Udruženje sudija/sudaca u Federaciji BiH, zajedno sa Centrima za edukaciju sudija i tužilaca u FBiH i RS, Udruženjem sudija u BiH, Udruženjem sudija RS, Udruženjem sudija Suda BiH, Udruženjem žena sudija u BiH, Udruženjem sudija Brčko Distrikta BiH, Udruženjem tužitelja/tužilaca FBiH, Udruženjem tužilaca RS, Advokatskim komorama FBiH i RS, te Pravosudnom komisijom Brčko Distrikta BiH, planira 2025. godine organizirati, XXIII po redu, Savjetovanje iz krivičnopravne oblasti.

Savjetovanje je planirano da se održi u periodu od 02.06. do 05.06.2025. godine u Neumu.

U želji da ovogodišnje savjetovanje detektuje probleme i ponudi odgovore na aktuelna pitanja krivičnog pravosuđa u Bosni i Hercegovini, pozivamo Vas da se uključite u proces definiranja tema ovogodišnjeg savjetovanja i svojim prijedlozima i sugestijama date svoj intelektualni i stručni doprinos sagledavanju i izboru najaktuelnijih pitanja krivičnog pravosuđa danas.

U pripremnim konsultacijama povodom ovogodišnjeg savjetovanja predloženo je da fokus ovogodišnjeg savjetovanja bude na sljedećim krivičnim oblastima i temama: Finansijski kriminal i istrage; Organizovani kriminal i korupcija visokog nivoa; Krivična dijela terorizma; Digitalni dokazi (bitcoin i druge kriptovalute, uređenje zakonskih rješenja za oduzimanje kriptovaluta u Zakonu o tržištu hartija od vrijednosti, donošenje Zakona o digitalnoj imovini); Umjetna inteligencija za forenziku i dokazivanje; Nasilje u porodici; Materijalno krivično procesno pravo. Pored navedenih oblasti prijaviti se mogu i druge aktuelne i zanimljive teme iz krivičnog prava u BiH.

Obavještavamo i pozivamo sve zainteresovane pravne stručnjake da svoja mišljenja, stavove i analize određenih pitanja iz krivičnog pravosuđa u formi teme prijave na e-mail: usfbih@bih.net.ba ili us.fbih@pravosudje.ba uz navođenje imena izlagača koji će prezentovati temu.

Prijavu teme i izlagača, kao i dostavljanje Vaših mišljenja i prijedloga, možete izvršiti na gore navedene e-mail adrese ili putem pošte na adresu: Udruženje sudija/sudaca u Federaciji BiH (za organizacioni odbor Savjetovanja), ul. Valtera Perića br.15, 71000 Sarajevo, **najkasnije do 24.02.2025. godine.**

Zahvaljujemo se na Vašem doprinosu organizaciji ovogodišnjeg savjetovanja i srdačno Vas pozdravljamo.

Organizacioni odbor XXIII savjetovanja
Neum 2025.

